



امور تحریر بہ ایچون فؤاد بکہ
وامور اداره ایچون آرتین افندی بہ
مراجعت اولنور.



مسلمکمزہ موافق آثار قبول اولنور.
درج اولنمایان اوراق اعادہ اولنماز.

معاونت

ادارہ خانہ سی باب عالی جادہ سندہ
۵۲ نومرو لی « شرکت مرتبہ »
مطبعہ سیدر.



استانبول ایچون سنہ لکی مطبعہ دن
آلنق شرطیلہ ۴۰ طشرہ لره پوستہ
اجرتیلہ برابر ۶۰ غروشدر.

نسخہ سی ۱ غروش

پنجشنبه کونامری نشر اولنور ادبی، فنی و صناعی غزیرہ در

نسخہ سی ۱ غروش

﴿شرق﴾

۱

بر کورون ای مهر نازم بی نقاب،
عالم انواره بخش ایت اغتراب.
مهره صالحین طلعت پاکک حجاب،
مستتیر حسنک اولسون ماهتاب!

۲

بی تکلف خنده ریزان صفا
بر خرام ایت برج کلشندن یکا
غرق نور بختک قالسین سما،
مستتیر حسنک اولسون ماهتاب!

۳

شعله ریز اولدجه وجه احسنک،
تابی قالماز کوکده مهر روشنک
سودیکم! شیمدنکرو هر شب سنک
مستفیض نورک اولسون ماهتاب!

لطیف



﴿مبادی تکوین﴾

علام مشهوده طبیعته عقلاً و منطقاً بر
صورت تأویل بولنه بیلک ایچون ارضک
بادی تشکله بر کره ملتبه، بر کتله ناریه
اوله رق منع فیاض قدردن فضای بیپایان
تکونه آتیش اولدینی ظن و قبول ایدلمکده
در. ارضک اوزمانکی حالی بوکون اکتساب
ایتمش اولدینی شکله مقیم اوله من. بر
اوجاقده اذابه اولنان قورشوندن دهاسیال
امواج آتیشینله شرقدن غربه، غربدن

شرقه سائر و دوار بر عمان تصور
ایدیله جک اولورسه بلسکه کره مرکز شکل
اصلیسی حقنده بر فکر ضعیف حاصل ایدلمش
اولور. کره نك اطراف و حوالیسندهرات
مرکزیه نك تأثیریه قابل تطیر مواد متعدده بی
مشتمل ودائماً حالت احتراقده بولنان عناصر
هوائیه موج ایتمکده ایدی. طبقات فضائیده
حرارتک تناقصندن کره نك سطح
خارجینی بالتدریج انجماد ایدهرک هریری بر
آیری شکاده بوز بارچهلری هیئتلی آلمش،
بو بارچهلر بعضاً یکدیگر یله اتصال و بعضاً
یکدیگرندن انفصال ایدهرک، کاه باتهرق و کاه
چقهرق، بعضاً تمیج و بعضاً تصلب ایلهرک
بر زمان صوکره بینلرنده ارتباط حاصل
اولوب نهایت بر قشر متین و بر سطح
رصین وجود بولمشدر.

سطح ارضده ایلک تجمد ایدن و — هنوز
تحرر ایتمش بر مایع مذابدن انتشار ایلین
پاراتی کبی — طونوق و حزین بر شعله ایل
منور اولان قشر وهله اولاده کنیش
وادیلر، درین حفره لر، و فورانه مستعد
اوافق طاغیر، تپه لرله ترین ایتمشدر. بوانتظار
مسزلقلر ارضک بر شکل کروی اخذ ایتد
یکی دوره ده نمودار اولمشدر. بو طاغیرک
منفذندن مواد مایعه معدنیه ریزان اولور
ایدی.

طبقات عمیق ارضه بالتدریج تأثیر
ایدن برودت حرارتی تعدیل ایدهرک قشر
خارجینک جسامت و متاتی آتیش و کونک
برنده کندیسندن طبقات جسیه متصله ایل
آیرلمش اولان کتله مایعه نك قید تأثیرندن
آزاد اوله رق حاز اولدینی رنک آتیشین
ظلمته تحول ایتمشدر. اوزمان کره نك دوره
مضیسه سی منقضى اولوب دوره ظلمانیسی باشلا
مشدر. بواننده کره من اطرافنده کورولن
هوای پاک نسبی واشعه تابناک شمسک سهولته
نفوذ ایتدیکی فضای صاف سما ایل محدود

اولوب بالعکس هیچ بر ضیاء خارجینک غور مطلق
تنویر ایدمه مدیکی انجره کشفدن متحصل بر
حجاب تاریک ایچنده مستور و مخفی ایدی.
قشر ارض تکون ایدر ایتمز آراشندن
بر قوه خارقه نمایاب اولدی که بوده کتله مایعه
مرکزیه نك قشر متصله قارشلی اجرا ایتدیکی
عکس تأثیردن عبارت ایدی. ارضک بورو-
شقلقلری قطعات و نواحینک قبارتییسی،
دکزلرک اشغال ایتدیکی چقورقلر، طاغیرک
چیقنتیسی، وادیلرک کیرنتیسی هپ بو عکس
تأثیرک نتایجیدر. دکزلره بویله بر بحر ای
عمیق حفر ایدن، طاغیرک ذروه سفی بولو-
طبرک فوقه قدر ایصال ایلین و تدریجاً
کره ارضی بوکون کوردیکمنر شکل و هیاته
قویان بو حالت ترکیب نك تمثالنی بر الما
قابوغنده ده کوره بیلیر.

یکی قویاریلان بر المانک سطحی دوز
و پارلاق اولوب میوه نك عصاره ایل ملو
اولان لبه تمامیه منطبق بولندیغندن هیچ بر
بوکوم کوسترمز. بر آز طورددقن صوکره
میوه نك محتوی اولدینی عصاره قسماً تبخر ایدمه
جکندن المانک مایه سی آلیز، حجمی کوچولور.
فقط دریسی اتیه برابر تقلص ایتمز. چونکه
قابوغنک مرکب اولدینی مواد یابسه تبخره
مساعده دکلدرد. میوه نك قسم داخلی تقلص
ایدوبده جلد خارجییینه اسک حجمی
محافظه ایدهرک اولورسه نهایت قشر
خارجینک ماده مظهر و فنی احاطیه مقتضی
اولان مقداردن زیاده توسع ایدهرک و اوستنه
مربوط اولدینی ماده نك تمایلی تعقیماً ضوله
جفی، قاتلانوب بوروشه جفی درکاردر. ایشته
سطح ارضده عین حال وقوع بولمش و قورویان
برالم دریسی کبی سطحی بوروشوب قالمشدر.
معلومدرکه تناقص حرارتدن حصوله
کلن تقلص، اجسام صلبه دن زیاده اجسام
مایهیه تأثیر ایدر. بونک ایچون کره مرکز
کتله مایعه مرکزیه سی آزار آزار حرارتی

ضایع ایده‌رک قشرندن دها زیاده تصلب ایتمکده‌در. ایکی تقلص آره‌سندده موجود اولان فرق نه‌قدر محدود اولورسه اولسون مادهٔ محترقه اک صوکره مضئحل اولور وقشر منجمد آرتق استنادکاه بوله‌میه‌رق یا‌کندی اوزرینه چوکوب کنیش موجه‌لر حاصل‌ایده‌رک قاتلانجه‌نی یاخود الاستیتی محو اولمش ایسه موازنه‌سنی غائب ایده‌رک کندی ثقلی آلتنده ازیلیر. یکی اشغال ایتدکاری سطحه نسبتله بیوک بر امتداده مالک بولنان بوپارچه‌لر یکدیگریله ارتباط وتوازن کسب ایده‌میوب یکدیگری‌نی تضییق ایتدکن صوکره بعض یرلری کیریتیلی و بعض یرلری جیقینتیلی اولق اوزره سطح ارضنده موجود اولان طاغ صرترلی، سلسله‌جبال، رفیع یایلار، واسع دکرلر، عمیق وادیلر کی بر طاقم عارضه‌لر حصوله کتوره‌جکلری بدیه‌در. سلاسل جسیهٔ جبالدن بحث اولدینی صیره‌ده بونلرک قشرارضک تقلصندن متکون چیقتی قیلندن صایلدیغنه بلکه تعجب اولنور. فقط بوجبال رفیعه کتلهٔ جسیهٔ ارضه قیاس ایدیله‌جک اولورسه — قوردیلیر ده‌زاند سلسلهٔ جبالنک کرهٔ ارضه نسبتله اولان جسامتی بر المانک قابوغنده حاصل اولان بوروشلق مثابه‌سندده قالمایه‌جغندن — علویترلرینک، عظمتلرینک هیأت مجموعهٔ ارضه نسبتله هیچ بر حکمی اولمایه‌حنی وارستهٔ قید ایضاح‌در. اقسام ترابیه‌نک یکدیگرندن تفرقی قشر ارضک متانت ورساتی نسبتنده‌در. اگر قشر تراب اینجه وقابل انخا ایسه محتوی اولدینی مادهٔ مایه‌نک تناقص ایتمه سیله اوافق اوافق بر چوق طبقات متموجه‌یه انقسام ایدر. لکن دها قالین، دها متصلب اوله‌جق اولور ایسه تغیر اشکاله دها زیاده مقاومت ایدرسنده توازنی غائب ایتدکن صوکره بوکوله‌جکی یرده شده‌تله

پارچه‌لانه‌رق طبقات منکسرهنک سطوح عمودیه‌سی خطوط انکساریه‌سی استقامتنده امتداد ایدر. دیمک اولیورکه سطح ارضک بوروشقلنی نه‌قدر صوکره حصوله کلیرسه اوقدر دیک وسرتردر.

حقیقت آز بر ارتفاعه مالک اولان بعض تپه‌لرک دورهٔ اولاده، هیالایا وقور- دیله رده‌زاند کی جبال متسلسله‌نک‌ده ادوار اخیرده تکون ایتش اولدقلری تجارب واقعه ایله مثبتدر.

(مابعدی وار) مسیون دانسه



لوندردیه دأر بعض معلومات

لوندردیه شهری (اسقس)، (میدلیسقس)، (ثوره‌ی)، (کنت) اسمیلرله معروف درت قونلغه منقسمدر. بوجسیم پایتخت روی ارضده موجود اولان شهرلرک اک‌جمعیتلیسیدر. لوندردیه حقیقهٔ بر «شهر» دکل، بر «ولایت» اطلاقه شایسته‌در. اهالیسنک کثرت وازدحامی نفو- سنک مقدار حقیقیسنی تعیینه ماته‌در. بلدیجه تنظیم اولنان بر ایستاتستیکه نظراً مقدار نفوسی (۳,۸۱۴,۵۷۱) وضابطه‌جه ترتیب اولنان دیگر برجدوله کوره (۴,۷۶۴,۳۱۳) کشی به‌بالغ اولمقده‌در. بوحسابه باقیلیرسه لوندردیه، یارسک ایکی مثلندن برلین یاخود ویانه‌نک درت مثلندن زیاده؛ دانیمارقه حکو- متنک ایکی مثلی وتکمیل یونانستانک ایکی بچق مثلی قدر نفوسی حاویدر. لوندردیه سکنه‌سنک عددینه هرسته آلتش بیک کشی التحاق. ایتمکده‌در.

شهرک وسطنده واقع اولان نفس لوندردیه تخمیناً ۱۳۰,۰۰۰ نفوسی شامل ومعالملات جسیهٔ تجارویه وصنایع بدیعهٔ عدیده‌سیله معروفدر. ارباب تجارت وصنایعک دکانلری وغازهلری، اداره‌خانه‌لری لوندردیه بوقسمی

داخلنده‌در. بانکه، بورس، ضربخانه، کمرک، پوسته‌خانه، حبسخانه‌ایله دأرهٔ بلدییه ومحکمهلر هپ بوحوزه‌ده تأسیس ایدلمشدر. اصحاب معاملات وصنایع صباحلین آلافرانغه ساعت اونده دکان وغازهلرینی کشاد ایدوب آقشام ساعت بشه قدر اوراده امرار وقت ایتدکن صوکره علی الاکثر لوندردیه قرق الی میل بعد مسافه‌ده کأن قصبه وقریه‌لرده انشا ایدلمش اولان خانه‌لرینه عودت ایدرلر.

لوندردیه معاملات تجاریه‌سنه مرکز اتخاذ اولنان بومحله صوکره بر قاج سنه ظرفنده بر سرعت خارق‌العاده ایله تزیین وتوسع ایتش ونفوسی بر ایکی قات آرتمشدر. بطاقلقلری واراضی خالیسنی منتظم جاده‌لر، واسع میدانلر حاله افراغ ایدلمشدر. رنگین‌خانه‌لری ودلنشین‌کاشانه‌لری اکثریانشا ایدلدن اشتراء یاخود استیجار اولنور. انکلز اصیلزادکانک اقامت‌لرینه مخصوص اولان بوخانه‌لرک هر درلو لوازم وتزییناتی ارباب ذوق وصفانک آرزوی تزهروانه‌سنی ترویج ایده‌جک صورتده مکمل ومتظمدر. هیچ بر یرده لوندردیه اولدینی قدر بدایع طبیعیه مخترعات صنایع ایله مزج ایدلمه‌مشدر. اولرک اطرافنده کی باغچه‌لر غایت وسیع وفرحفزا اولدینی ککی تفرج عمومی به مخصوص اولان موقعلر اشجار وازهار کونا- کون ایله آراسته اولدیغندن بو آغاچلردن حاصل اولان لطیف سایه‌لر اطرافه طراوت بار وهوایه جیادتنشار اولور. بعضاً یشیلککلر، کولکه‌لککلر وچشمه‌لر یکدیگری‌نی متعاقب امتداد ایدرکه بونلرک آراسندن مرور ایدن کسه‌کندینی بر روضهٔ روحپرورده کشت وکذار ایلور ظن ایدر. آتلیک آباق سسلرینی ایشیتدیرمیه‌جک صورتده یومشاق والاستیقی قالدیرملردن کچن آراهلر گویا پرواز ایدرلر.